



原书缺页

原书缺页

處豈盈高居額中乃爲保壽官成

○監察官

眼須要含藏不露黑白分明瞳子端定光彩射入或
細長極寸乃爲監察官成

○審辨官

鼻須要梁柱端直印堂平濶山根連印年壽高隆準
圓庫起形如懸膽齊如截筒色鮮黃明乃爲審辨官
成

○出納官

口須要方大唇紅端厚角弓開大合小乃爲出納官
成。

○一曰耳爲採聽官

成敗傾欹。

傾缺也。欹低也。傾欹主破散成敗也。○萬金相云
左耳缺先損父。右耳缺先損母。左右廢缺雙親並
我。主妨尅離祖亦不欲低於眉也。詩曰偏堂降地
波祖無疑兄弟稀少自身不利偏堂耳名也。又曰
降地耳
低於眉

聰明高聳。

高聳過於眉也。○郭林宗曰耳爲君眉爲臣君室
宜下高起過眉者主貴聰明文學才俊

貴也。萬金相云。耳高眉一寸。永不受貧困。又曰。耳如擣起。名播人耳。宋齊丘曰。耳齊日角曰大貴。許負曰。耳能齊日角。曾服不死藥。又主平生。生病少壽長。才智過人。

皮。籬青黑飄蓬。

郭林宗曰。左耳爲金星。右耳爲木星。色鮮者貴而安穩。若皮粗及青色黑而乾者。主一生奔馳南北。散走他鄉。終無定基也。宋齊丘曰。皮粗青黑走異鄉。廣鑑集云。耳輪青黑。腎藏喪不久也。飄蓬。謂如蓬草也。中原郊野多生。俗各蓬子。科止根。類竹根。其枝葉如楊柳。盤盤旋旋。團聚而生。團如燈毬。分圓若丈餘。秋天枯死之時。風吹出土。若東風起。吹輒往西。無阻者。迤邐進去。忽然換西風。復吹還東而去。若耳皮粗青黑者。爲

六似蓬草。朝暮走他鄉。無定止也。

色。如瑩玉。年少作三公。

廣鑑集云耳若貴賤不取大小先要色鮮瑩白爲上昔歐陽文忠公耳白如面名聲天下人倫大統賦曰白或過面主聲譽之飛揚瑩白貫輪主信行之敦厚

貼肉垂珠紅潤自然主財祿亨通

貼肉者隱伏也紅潤者垂珠鮮澤也主平生財祿綿綿百謀百成平求干遂天生自然富貴大統賦云壽越眉兮貴暎血聰重明兮富貼肉許負云耳貼肉富貴足○大清新鑑云對面不見耳問是誰家子似此貼肉隱伏而垂珠紅潤者主平生旺相而長富貴一歲入運至十五歲蔭成父母相少之

若尖小直如箭羽安得不孤窮

尖小者謂之候耳主孤貧如箭羽者其耳形直露似矢之翎最爲貧賤之用主十五歲男女並有

財被敗。長大貧賤孤獨之相。五總龜云。反耳輪最不堪。直凶箭羽少資糧。又曰。雙耳尖小多財。

命門難入指壽原慳短忘淺愚蒙。

命門者耳孔也。若窄小難入小指尖者主愚頑短壽無智之人。洞中經云。耳孔容針家無一全。太清神鑒云。耳門如星。一十之客。天壽也。

無輪兼反薄家破囊空。

薄者主貧也。一歲至十五之內妨剋破祖。長大孤貧壽天之相。太清神鑒云。輪為城內為廓。城兒廓吉。廓兒城凶。金鏡經云。耳無輪廓多破散。大統賦云。耳薄如紙。貧而早死。五總龜云。能可城兒廓。不可廓兒城。

厚大垂肩極貴天年過八十方終。

廣鑒集云耳大四寸高聳垂肩者主大貴壽長。蜀劉先主耳毫垂肩目顧其耳宋太祖口方耳大。

只因是毫生竅內頭白老龍鐘。

毫者孔內生毫也。龍鐘竹名其曲頭垂眉地若人生耳毫主長壽似龍鐘之竹。暖曲頭低極老之相也。郭林宗曰借問何人年過百耳內生毫頭半白項下雙縱成一縷此是人間壽星魄。

論曰

運限者上古之壽一百二十歲爲終今之七十者稀萬金相法三主七十五歲爲約左耳七年右耳

八年男左女右又天部十年共二十五年爲初注

黑子生在輪上者主聰明有大痣耳內者壽長垂
珠上者主有財耳前命門者主火厄作事有始無
終耳顯三珠者左定嗣右定妻一曰白珠耳尖上
貴陰亦同二綵紅珠右耳中生一珠一子二珠五
子陰亦同其珠如粟米大圓者應如綠豆大圓者
少應氣色瑩白紅潤者貴而吉黃者病青者腎衰
黑燥者腎喪忽輪上紅色如炎火者七日口舌破
財或暴焦色慘青色其壽不永也

○二曰眉爲保壽官

濃厚淹留孤獨

眉黑稠濃密主淹留蹇滯久困。○五總龜云。眉濃髮厚人多滯。○萬金相云。陽男子也。陽得虎眉蹇滯。虎眉稠濃密也。主平生少快。二十六歲入運。至三十五歲。此一運中。主上五年多淹滯。

短促兄弟非宜

廣鑑集云。眉為君。目為臣。宜清長過目。宜如雁行。若短不及目者。難為兄弟。縱有二三四。終須不靠也。○萬金相云。眉長於目。兄弟五六。眉如掃帚。兄弟八九。與目同等。兄弟一兩。短不及目。兄弟不足。縱有一兩。非是同腹。二十六至三十五上四五年不利。

骨稜高起性勇好為非

稜骨高起者。言眉骨尖峻顯露也。則主人龐齒。知成而不知。知成而不知。知成而不知。

自勝作事不應為而此為性暴怒
得不可為友之相也平生宜遠之。

清秀彎如月樣文章顯折桂榮奇。

廣益集云。眉是日之君。膽之苗。面之表也。若得清
秀彎如月樣。主為人聰明智慧。文學博雅。必攀
桂。高明富貴之相知。為平生之福。二十六歲運至
中主。便得顯煥功名。郭林宗曰。眉如新月樣。名
譽四方聞。許負曰。眉如月弓。衣食不
窮。○大清神鑒云。眉曲乘彎多學識。

印堂廣雙分入髮。卿相位何疑。

眉中為印堂。名曰官祿宮。相貌宮。福德紫氣宮。一
面之中。此位最干禍福。所以眉毛欲得寬廣。雙分
入髮。主生平多福而貴。二十六歲入運。行中主大
發功名。瑋林真人曰。眉為羅計之星。宜潤而不
欲侵犯紫氣宮。○陳番南曰。翠眉入髮。位
至公卿。○廣益集云。朝中無交眉宰相。

豎毛多主殺神剛氣暴豈有思維

豎眉者謂眉毛直立而生也多主殺性。○大統賦曰主性急神猛好聞貪殺無思筭之相也。○又云

毛直

性狠

交頭并印促背祿奔馳

頭交者言兩頭印提交鎖侵犯印堂也蓋緣印堂是官祿宮若得眉宇寬則爲官平生安穩若交促者無祿而一生走驟愚夫印堂又爲命宮眉宇爲羅計星羅計侵犯交促不利財祿胡人不在此限神強者不在此限在此限卽爲平生之滯六六交運至四十一此四五年最緊

橫直妨妻害子

夫直者言眉毛凡生直豎不順也左妨子右妨妻左右如此妻子俱傷然爲平生不利二十八限至

三十。此五年最是不利。

旋螺聚必執旗鎗。

旋螺言其中毛盤旋似螺螄尾尖盤盤旋旋面生者。主爲人剛健勇猛。可車前鎗旗之首。當先無懼而戰也。

低壓眼相連不斷。運至必災厄。

廣繫集云。眉爲羅計之星。眼爲日月之象。相肩緊貼。而與眼相連不斷者。是羅計二星。侵犯大陰大湯。大陰大陽爲日月之臺。一身之主。二十六限望二十九不利。三十七八九亦不利。若孛星高廣日月分明。災禍減半。

論曰

運限者。兩眉管四年。入中主左二年。二十六七右
二年。二十八九眉生四理。黑子眉中生者。初主水
厄。眉頭生者。主性剛。眉上生者。主貴官。紋理眉中
十字元字紋者。大亨。有坤卦紋者。祿二千石。有成
土字并魚鳥形紋。主大將公卿之位。眉上氣色忽
然白者。主哭泣聲服忌。忽然紅色者。三日七日主
口舌官訟。黃明人華蓋日近遠喜信入宅。又主
出爲吉。眉中忽然生毫長。謂之壽毛。然不宜見。
萬金相云。二十生毛三十死。四十生毛命壽長。

四十之上忽然生一毫長者三年內遇貴。

○三日目爲監察官

兩眼浮光雙輪噴火殺人賊好姦謀。

兩眼浮光者。謂噴突不收光射人也。雙輪噴火。上下眼堂紅赤。如炎火噴外也。似此者則主人凶惡奸狡貪鄙。衷懷奸盜之心。然平生之惡。三十歲入運至三十五。此五年大發。三十七至四十。此四年亦不利。大統賦云。睛如點漆。許負曰。目中赤沙起法死須妨已。又謂之蛇眼赤沙。便是噴火。

睛如點漆應不是常流。

廣鑿集云。兩睛黑光如點漆。昭暉明明。光彩射人者。極貴人臣。神仙高士。奇異之相。然爲平生之

三十歲至三十五歲。

此六歲顯耀功名。

眼大者多攻藝業

月波洞中經云。眼睛大而端定。不浮。不露。黑白分明者。主可學藝業。異於眾人。成家立業。

上視者勿與交游

上視者。或看物觀望。或觀人昂面睛昂。向上視者。土為人賊性。自強自是。不容物。太察多疑。不可為友。同行須在富貴之中。不可深交。貧文曰。上視者人多狠。

斜觀狼目強獨勝慳吝更貪求

斜觀者。主為人稟性剛強。獨能慳吝者。自慳不施。貪鄙。愛聚。損人安己。縱居富貴能文。亦不改慳吝之心。口腹不能相應之人也。廣鑒集云。目為心之外戶。觀其物外而知其內也。孟子曰。目中不正。則眸子瞭焉。目中不正。則眸子眊焉。眸子不正。則其惡也。善惡在目中。偏正善者正。虛神清。